



**JU UNIVERZITET U ZENICI**

**PRAVILNIK O IZMJENAMA PRAVILNIKA O SISTEMU  
OSIGURANJA KVALITETA UNIVERZITETA U ZENICI  
(QA SISTEM)**

Zenica, juli 2020. godine

Na osnovu člana 53. stav (2) tačka b) i l) Zakona o visokom obrazovanju ("Službene novine Zeničko-dobojskog kantona", broj: 6/09, 9/13, 13/13, 4/15, 5/18 i 4/19), člana 19.a stav 2. alineje 3. i 13. Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 1/18 i 10/18) i člana 63. stav (2) tačke c) i u) Statuta Univerziteta u Zenici (Prečišćeni tekst), a na Prijedlog Odbora za kvalitet Univerziteta u Zenici, Senat Univerziteta u Zenici na 5. vanrednoj sjednici održanoj 23.07.2020. godine donosi

## **PRAVILNIK O IZMJENAMA PRAVILNIKA O SISTEMU OSIGURANJA KVALITETA UNIVERZITETA U ZENICI (QA SISTEM)**

### **Član 1.**

#### **(Izmjena člana 8. - Odbor Univerziteta)**

U Pravilniku o sistemu osiguranja kvaliteta Univerziteta u Zenici (QA SISTEM), broj: 01-108-702-2345/10 od 14.07.2010. godine, u članu 8. (Odbor Univerziteta) stav (2) mijenja se i glasi:  
„(2) Odbor Univerziteta čine:

- Menadžer za kvalitet Univerziteta (predsjednik);
- Menadžeri za kvalitet organizacionih jedinica/pridružene članice (članovi);
- 3 (tri) predstavnika studenata (članovi);
- 1 (jedan) predstavnik vanjskih korisnika (član);
- Prorektori (članovi);
- Generalni sekretar Univerziteta (član);
- Rukovodilac Univerzitetske biblioteke (Bibliotekar Univerzitetske biblioteke);
- Koordinator za međuuniverzitetsku i međunarodnu saradnju.

### **Član 2.**

#### **(Izmjena člana 9. - Imenovanje predsjednika i članova Odbora)**

U članu 9. (Imenovanje predsjednika i članova Odbora) stav (6) mijenja se i glasi:  
„(6) Generalni sekretar, Rukovodilac Univerzitetske biblioteke (Bibliotekar Univerzitetske biblioteke) i Koordinator za međuuniverzitetsku i međunarodnu saradnju su članovi Odbora po osnovu djelokruga poslova njihovih radnih mjesta.“

U istom članu Pravilnika se iza stava (7) dodaje novi stav (8) koji glasi:

(8) Za svoj rad i zalaganje predsjednik i članovi Odbora Univerziteta iz stava (6) imaju pravo na dodatak na osnovnu plaću KDF u visini utvrđenoj Pravilnikom o plaćama, dodacima na plaću i drugim naknadama po osnovu rada radnika Univerziteta.“

### **Član 3.**

#### **(Izmjena člana 12. - Djelovanje Odbora)**

U članu 12. (Djelovanje Odbora) u stavu (3) dodaje se tekst koji glasi:  
”Po potrebi sjednice se mogu organizovati elektronski”.

U istom članu stav (6) mijenja se i glasi:

„(6) Zapisnike na sjednicama Odbora vodi po zaduženju predsjednika jedan od članova Odbora ili radnik iz reda administrativnog osoblja Službi Rektorata Univerziteta.“

#### Član 4.

##### (Izmjena člana 17. – Odbor organizacione jedinice/pridružene članice)

U članu 17. (Odbor organizacione jedinice/pridružene članice) se iza stava (4) dodaje novi stav (5) koji glasi:

(5) Za svoj rad i zalaganje predsjednik i članovi Odbora organizacione jedinice/pridružene članice imaju pravo na dodatak na osnovnu plaću K<sub>DF</sub> u visini utvrđenoj Pravilnikom o plaćama, dodacima na plaću i drugim naknadama po osnovu rada radnika Univerziteta.“

#### Član 5.


##### (Stupanje na snagu)

(1) Ostale odredbe Pravilnika o sistemu osiguranja kvaliteta Univerziteta u Zenici (QA SYSTEM), broj: 01-108-702-2345/10 od 14.07.2010. godine, ostaju nepromijenjene.

(2) Ovaj Pravilnik stupa na snagu danom donošenja.

Zenica, 23.07.2020. godina

Broj, 01-02-1-2721/20



PREDSJEDAVAJUĆI SENATA  
UNIVERZITETA U ZENICI

*Alaudin Brkić*

Prof. dr. sc. Alaudin Brkić



**UNIVERZITET U ZENICI  
REKTORAT**

**- SENAT -**

Broj:01-02-1-2721/20.

Zenica, 23.07.2020. godine

Na osnovu člana 53. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19) i člana 63. Statuta Univerziteta u Zenici (Prečišćeni tekst), Senat Univerziteta u Zenici je na svojoj 05. vanrednoj sjednici održanoj 23.07.2020. godine, donio

**ODLUKU**

**o usvajanju Pravilnika o izmjenama Pravilnika o sistemu osiguranja kvaliteta (QA sistem)  
Univerziteta u Zenici**

**Član 1.**


Ovom Odlukom usvaja se Pravilnik o izmjenama Pravilnika o sistemu osiguranja kvaliteta (QA sistem) Univerziteta u Zenici.

**Član 2.**

Sastavni dio ove Odluke čini Pravilnik o izmjenama Pravilnika o sistemu osiguranja kvaliteta (QA sistem) Univerziteta u Zenici.

**Član 3.**

Odluka stupa na snagu danom donošenja.



**PREDSJEDAVAJUĆI SENATA**

*Alaudin Brkić*

prof. dr. sc. Alaudin Brkić

Dostavljeno:

9x OJ Univerziteta u Zenici

1x Islamski pedagoški fakultet

1x Prorektor za međunarodnu saradnju i osiguranje kvaliteta

1x QA Menadžer UNZE

1x Odbor za kvalitet

1x a/a